


Centimetres

Inches

TIFFEN Color Control Patches

© The Tiffen Company, 2007

44199
437
70



道光壬辰新鐫

藥


城

第

三

集

板藏眉州三蘇祠



蘇州府志卷之三

樂城第三集

蘇州府志卷之三

樂城第三集引

崇寧四年余年六十有八編近所為文得二十四卷目之樂城後集又五年當政和元年復收拾遺藁以類相從謂之樂城第三集方昔少年沈酣文字之間習氣所薰老而不能已既以自喜亦以自笑今益以老矣餘日無幾方其未死將復有所為故隨類輒空其後以俟異日附益之云爾

穎濱遺老書

樂城第三集目錄

第一卷

詩

丙戌十月二十三日大雪

畫歎并引

夢中反古蒼蒲并引

次遲韻復雪

次韻文氏外孫驥以其祖父與可學士書卷還謝悰學士

守歲


上元不出

將築南屋借功田家

丁亥生日

初葺遺老齋二首

謝人惠千葉牡丹



移陳州牡丹得千葉二本喜作

因舊并引

初成遺老齋二首

蠶麥二首

文氏外孫入村收麥

李方叔新宅

苦雨

殺麥二首

立秋後

初築南齋

中秋朔十六終夜如晝

釀重陽酒

戲題菊花

九日三首

十日二首

初成遺老齋待月軒藏香室三首

久雨

方築西軒穿地得怪石

肺病

送遜監淮西酒并示諸任二首

風雪

讀傳燈錄示諸子

夢中詠西湖

買炭

欲雪

那吒

示諸子

戊子正旦

題舊鍾馗并引

七十吟

从旱府中取虎頭骨投那山潭水得雨戲作

生日

將折舊屋權住西廊

種花二首

同遲賦千葉牡丹

同遲賦春晚

春無雷

聞卞氏舊有怪石藏字山中其遺孫指一廢井云盡在是矣

并在室中床下尙未能取先作

仲夏始雷

八壘

讀舊詩

五月園夫獻紅菊二絕句

夏至後得雨

遲在泉居殺麥

夏夜對月

千葉白蓮花

追和張公安道別絕句并引

第二卷

詩

遺老齋絕句十二首

移花

服粟

白菊

九日家釀未熟

南齋獨

西成

藏粟

示諸子

示諸孫

十一月一日作

冬至日

除日

臘中三雪

伐雙穀十二月二
十七日作

上元夜适勸至西禪觀燈

程八信孺表弟剖符畢父相遇穎川歸鄉待闕作長句贈別

種松
二月望日雪二首

遜自淮康酒官歸觀逾旬而歸送行二絕句

去年秋扇一絕句
讀舊詩

堂成不施丹雘唯紙窗水屏蕭然如野人之居偶作

南齋竹三絕句
中秋新堂看月戲作

午寢
九月陰雨不止病中把

子三首
落葉滿長安分題

臘月九日雪三絕句
七升除日二首

同外孫文九新春五絕句
上元前雪三絕句

上元雪
春陰

庭中種花
閉門

林筍復生
老柏

贊麥
喜雨

題東坡遺墨卷後
洗竹

寄張芸叟并引

第三卷

詩

雨中秋絕句二首并引

贈德仲

閏八月二十八日菊有黃花園中燦然奪目九日不憂無菊

而憂無酒戲作

九日三首

戲題三絕

本水

夜坐

老史

臘雪次遲韻

小雪

土牛

除夜二首

遺老齋南一栢雙榦昔歲坐堂上僅可見也今出屋已尺餘

偶賦

正月十六日

七十二歲作

春旱彌月郡人取水邢山二月

五日水入城而雨

龍川道士

重贈

食櫻第一

西軒畫枯木怪石

悟老住慧林

蠶麥

北堂

秋旅

七夕

食雞頭

秋雨

補種牡丹二絕句

曹郎子文赴山陽令

九日三首

早睡

廳前栢

十月二十九日雪四首

冬日即事

畫學董生畫山水屏風

冬至日作

冬至雪二首

讀樂天集戲作五絕

記病

除日二首

上元

壬辰生日兒姪諸孫有詩所
言皆過記胸中所懷亦自作

白鬚

林笋

西軒種山丹

遊西湖

泛溟水

風痺三作

新作南門

春早

感秋扇

第四卷

詩

喜姪邁還家二首

喜雨

雨過

溽暑

外孫文九伏中入村獻麥

大雨後詠南軒竹二絕句

秋後即事

送遲赴登封丞

省事

廣福僧智昕西歸

第五卷

詩

種藥苗二首并引

上巳

上巳後

堂成

雙柳

卜居賦并引

銘

銅雀硯銘并引

贊

壬辰年寫真贊

管幼安畫贊并引

第六卷

策

策問一十五首

論

觀會通以行典禮論

第七卷

論語拾遺

第八卷

雜說

易說三首

詩病五事

洪範五事說

第九卷

書傳燈錄後

第十卷

記

藏書室記

待月軒記

遺老齋記

墳院記

第三集目錄終

樂城第三集卷之一

宋眉山蘇轍子由著

明東吳

王執禮
顧天敘
禮初
全於



詩七十首

丙戌十月二十三日大雪

秋成粟滿倉冬藏雪盈尺天意愍無辜歲事了不逆誰言豐年山
遭此大泉厄肉好雖甚精十百非其實田家有餘糧靳靳未肯出
閭閻但坐視愍愍不得食朝飢願充腸三五本自足飽食就茗飲
竟亦安用十姦豪得巧便輕重竊相易鄰邦穀如土胡越兩不

閑民本無賴翩然去井邑土著坐受窮忍饑待捐瘡彼哉陶鈞手
用此狂且愎天且無柰何我亦長太息

畫歎 并引

武宗元比部學吳道子畫佛菩薩鬼神燕肅龍圖學王摩詰畫
山川水石皆得其彷彿潁川僧舍往往見之而里人不甚貴重
獨重趙董二生二生雖工而俗不識古名畫遺意作畫歎

武燕未遠嗟誰識趙董紛紛枉得名已矣孫陳舊人物至今但數
漢公卿

夢中反古菖蒲 并引

古詩云石上生菖蒲一寸十二節仙人勸我食令我好顏色十
一月八日四鼓夢中反之作四韻見一愚公在側借觀示之報
然有愧恨之色

石上生菖蒲一寸十二節仙人勸我食再三不忍折一人得飽滿
餘人皆不悅已矣勿復言人人好顏色

次遲韻復雪

老人怕寒愁早作夜聞飛霰知相虐粟車未到泥復深場薪欲盡
心驚愕山川滉蕩勢如海孤舟一葉知安泊山中故人消息斷欲
問有無隔溪壑人言王生好事人回船不顧山陰約故侯生來本

貧窶妻子至今美藜藿曳履長歌解忍饑裹飯往飼今誰託家人
來告酒可菊洗盞開瓶同一酌

次韻文氏外孫驥以其祖父與可學士書卷還謝悰學士

西南自是賢俊府衰老思歸謾留許春禾磨麥非平生子孫便
我作古賢哉與可詩中傑筆墨餘功散繪楮南陽諸謝世有人
邦亦自非其土一時與我俱作客白髮蒼顏愧非伍儒術真傳滿
太翁風流未減晉諸庾兩家尚有往還帖舊集脫遺應可補明
展卷清淚滴怳然似與故人語欲鎖空厨付長康恐君譏我不
取

守歲

歲云莫矣誰能守唯有此心初不移宇宙隨流任爾去虛空對面
卽吾師三盃醉倒聊從俗一點靈明欲語誰來日日新無限事歸
根一笑彼安知

上元不出

春寒未脫紫貂裘燈火催人夜出遊老厭歌鍾空命酒病嫌風露
怯登樓擁袍坐睡曾無念結客追歡久已休試問西鄰傳法老此
時情味似儂不

將築南屋借功田家

先人做廬寄西南不歸三紀今何堪卜營菟裘閱歲三西成黍豆
餘石甌借功田家并鑿坎農事未起來不嫌併遣浮客從丁男芒
屨秃巾短後衫杵聲登登駭閭閻期我一月久不厭我方窮困人
所諳有求不答心自甘一言見許不妄談飲汝信厚心懷慚晨炊
暮餉增醯鹽歸時不礙田與蠶

丁亥生日

少年卽病肺喘作鋸木聲中年復病脾暴下泉流傾困苦始知道
處世百欲輕收功在晚年二疾忽已平來年今日中正行七十程
老聃本吾師妙語初自明至哉希夷微不受外物嬰非三亦非一
了了無形形迎隨俱不見瞿曇謂無生湛然琉璃內寶月長盈盈

初葺遺老齋二首

髭鬚渾白已經歲腰痛春來日又多一味安閑猶有礙却今朝謁
擬如何築居定作子孫計好事久遭僧佛呵尤愧白家履道宅十
年成就飽經過

爲留十步南墻竹莫怪門前鳥雀多陋巷何妨似顏子勢家應未
奪蕭何詩書懶情何曾讀氣息調勻不用呵多病從來少賓客杜
門今復幾人過

謝人惠千葉牡丹

東風催趁百花新不出門庭一老人天女要知摩詰病銀瓶滿送
洛陽春可恰最後開千葉細數餘芳尙一句更待遊人歸去盡試
將童冠浴湖濱

移陳州牡丹偶得千葉二本喜作一首

小圃初開清溪岸名花近取宛邱城爭言千葉根難認忽發雙葩
眼自明謫墮神仙終不俗飛來鸞鳳有餘清細鋤瓦礫除荆棘未
可令齊窳草生

因舊 并敘

子因卞氏故居改築新宅其廳事陋甚有柴氏廳三間求售三
百餘萬錢力不能致子遲日因卞之舊而易其尤不可子孫若
賢當師公儉子愧其言從之作因舊詩

君不見林上鵲冬深始營巢及春巢已成又不見梁上燕春深初
作窠及夏雛已生我爲一區屋三年費經營紛紛伐梧楸日厭斤
斧聲老竟能幾何何日安餘齡一言愧吾兒事忌與力爭青楊易
三棟赤榆換雙楹指顧行卽具構築役亦輕鄩侯念子孫不處高
閨閣吾今何人斯此則座右銘

初成遺老齋二首

花時懶出伴遊人暑雨深藏養病身新宅丁丁厭斤斧舊書寂寂

卷埃塵久將生事累諸子頓斂浮根付一真遺老齋成謀宴坐澹
然無語接來賓

舊說潁川宜老人朱櫻斑笱養閑身無心已絕衣冠念有眼不遭
車馬塵青簡自書遺老傳白鬚仍寫去年真齋成謾作笑談主已
是蕭然一世賓

蠶麥二首

疏慵自分人嫌我貧病可憐天養人蠶眠已報冬裘具麥熟旋供
湯麩新擷桑曉出露濡足拾穗暮歸塵滿身家家辛苦大作社
我千錢追四鄰

三界人家多鮮福一時蠶麥得難兼鋤耨已愧非吾力湯火尤驚
取不廉貴客爭誇火浣布貧家粗有水精鹽薄衫冷麩消長夏捫
腹當知百不堪

文氏外孫入村收麥

欲收新麥繼陳穀賴有諸孫替老人三夜陰靈敗場圃一竿晴日
舞比鄰急炊大餅償饑乏多博村酷勞苦辛閉廩歸來真了事賦
詩憐汝足精神

李方叔新宅

我年七十無住宅斤斧登登亂朝夕兒孫期我八十年宅成可作

十年客人壽八十知已難從今未死且磐桓不如君家得衆力咄
嗟便了三十間李君雖貧足圖史旋鑿明窗安淨几閉門但辦作
詩章好事時來置樽俎我恨年來不出門不見君家棟宇新心安
卽是身安處自揣頭顱莫問人

苦雨

七月朔

蠶婦絲出盎田夫麥入倉斯人薄福德二事未易當忽作連日雨
坐使秋田荒出門陷塗潦入室崩垣墻覆壓先老稚漂淪及牛羊
餘糧詎能久歲晚憂糟糠天災非妄行人事密有償嗟哉竟未悟
自謂予不戕造禍未有害無辜輒先傷簞瓢吾何憂作詩熱中腸

殺麥二首

麥幸十分熟雨過三日霽初晴尙未伏半夜卷重陰細築場無隙
輕推磨有音驚聞諸縣水一聯直于金

其二

雨後麥多病庾中蛾欲飛不辭終日暑幸脫半年饑潦水來何暴
秋田望已微農夫愚可念此報定誰非

立秋後

伏中苦熱焦皮骨秋後清風濯肺肝天地不仁誰念爾身心無著
偶能安詩書久爲消磨日毛褐還須準擬寒謾許百年知到否相

從一日且磐桓

初築南齋

我老不自量築室盈百間舊屋以半料新材伐他山益中粟將盡
橐中金亦殫涼風八月高扶架起南邊首成遺老齋願與客周旋
古檜長百尺翠竹森千竿隔城高潁潁有井皆甘泉平生隱居念
眷眷在山川誰言白髮年有作竟不然我本師瞿曇所遇無不安
諸子知我懷勉更求榱椽堂成鋪莞簟無夢但安眠

中秋月望十六終夜如晝

秋氣久已到月明如可期雲生未望夜天借極圓時冷澈登臨倦
衰慵起舞遲兔閉長擣藥桂老尚生枝運轉何年住清明與物宜
油然任消長斤斧定何施

釀重陽酒

家人欲釀重陽酒香麴甘泉家自有黃花抱蕊有佳思金火未調
無好手老奴但欲致村醪小婢爭言試三斗我年七十似童兒逢
節歡欣事從厚廩粟已空豆方實羔豚雖貴魚可取病嫌秋雨難
爲腹老嘔饑涎空有口折花誰是送酒人來客但有鄰家父閉門
一醉莫問渠巷爭不用纓冠救

戲題菊花

春初種菊助槃蔬秋晚開花插酒壺微物不多分地力終年乃爾
任人須天隨七箸幾時輟彭澤樽罍未遽無更擬食根花落後一
依本草太傷渠

九日三首

昔忝衣冠舊今從野老遊籬根菊初綻甕面酒新芻不負重陽節
都無舉世憂人生定誰是萬壽本悠悠

其二

欲就九日飲旋炊三斗醕今朝不一醉坐客有空回白髮何須吝
黃花恨晚開問知餅未罄相勸盡餘盃

其三

從古重此日今人那得違菊遲知歲閏酒貴念人飢身安且自慰
家遠不成歸尚憶少年樂驚呼人盡非

十日二首

酒經重九尙殘卮雨送初寒問篋衣養氣安閑真得計讀書勤苦
已知非謾存講說傳家學深謝交遊絕世譏築室未成中自笑何
如茅屋對柴扉

憂患經懷沃漏卮榮華過眼脫輕衣定心稍覺無來往時事誰能
問是非祿去身安常自喜宅成囊竭可無譏交遊散盡親戚酒

熟時來一叩扉

初成遺老齋待月軒藏書室三首

老人身世兩相遺
綠竹青松自蔽虧
已喜形骸今我有
枉將名字與人知
往還但許鄰家父
問訊纔通說法師
燕坐蕭然便終日
客來不識我為誰

遺老齋

軒前無物但長空
孤月忽來東海東
圓滿定從何處得
清明許與眾人同
恰渠生死未能免
顧我盈虧略已通
夜久客寒要一飲
油然細酌意無窮

待月軒

讀書舊破十年功
老病茫然萬卷空
插架都將付諸子
閉關猶得

養衰翁案頭螢火從
乾死窗裡飛蠅久未通
自見老盧真面目
平生事業有無中

藏書室

久雨

雲低氣尚濁
雨細泥益深
經旬勢不止
晚稼日已侵
閒居賴田食
憂如老農心
堆場欲生耳
棲畝將陸沉
常賦雖半釋
雜科起相尋
凶年每多暴
此憂及山林
號呼天不聞
有言不如暗
願見雲解脫
秋陽破羣陰

方築西軒穿地得怪石

卜氏平日本富家庭
中怪石蹲踞麀子孫
分散不復惜排棄
坑

埋泥沙一株躍出隨畚鍤知我開軒方種花頽然遠嶺垂澗壑豁
然洞穴通烟霞十夫徙置幸不遠軒前桐栢陰交加我家舊隱久
不到小池尺水三流槎少年旋遠看不足時呼野老來剪茶老人
得此且自慰更訪餘石探幽遐或言卡氏舊石尙多
但未知沉淪處爾

肺病

肺病比不作屈信三十年今年胡為爾呀然上衝咽寒冰未易温
死灰誰使然醫言無庸怪此理環無端少年少戕敗今日存精堅
假年復除害非人豈非天

送遜監淮西酒并示諸任二首

疇昔南遷海上雷艱難唯與汝同來再從龍蔚茅叢底旋卜雲樞

荔子堆相與閉門尋舊學誰言復出理官醅乘田委吏先師事草
學陶翁到即回

淮西留滯昔經年唯有諸任時往還炊黍留賓不嫌陋借書度日
免長閑歸來溪水無人問夢遶伊家古檜間二老舊遊唯我在後
生誰復識蒼顏遵聖師中二老人雖
鄉人今無識之者矣

風雪閏十月
十一日

冬温未宜人風雪中夜止疾雷略吾窗輕冰入吾被病去適三日
驚起存一氣心安氣亦安二物本非二皎然一寸燈下燭九泉底

物來無不應物去未嘗昧恨我俗緣深撓此古佛智醫來視六脉

六脉非昔比

醫適有此言

讀傳燈錄示諸子

大鼎知難一手托此心已自十年降舊存古鏡磨無力近喜三更
月到窗早歲文章真自累一生憂患信難雙從今父子俱清淨共
說無生或似龐

夢中詠西湖

誰鑿西湖十里中扁舟載酒颺輕風草木蕃滋百事足寒暄淡薄

四詩同東鄰適與吾廬便西岸遙將岳麓通閑遊草草無人識竹

杖藤鞵一老翁前四句夢中得後四句起而足之

買炭

苦寒搜病骨絲纒莫能禦析新燎枯竹勃鬱烟充宇西山古松櫟
材大招斤斧根槎委溪谷龍伏熊虎踞挑扶靡遺餘陶穴付一炬
積火變深鑿牙角猶憤怒老翁破氈正畫出無履百錢不滿籃
一坐幸至莫御爐歲增貢圓直中常度閭閻不敢售根節姑付汝
升平百年後地力已難富知夸不知嗇俛首欲誰訴百物今盡然
豈為一炭故我老或不及預為子孫懼

欲雪

今年麥中熟麩餌不充口老農畏冬旱薄雪未覆畝驕陽引狂風
 三白知應否久晴車牛通薪炭家家有雉有口腹憂此病誰能救
 達官例謀身一醉日自富尙應天愍人雲族朝來厚飛花得盈尺
 二麥可平取

一 那吒

北方天王有狂子只知拜佛不拜父佛知其愚難教語寶塔令父
 左手舉兒來見佛頭輒俯且與拜父略相似佛如優曇難值遇見
 者聞道出生死嗟爾何為獨如此業果已定磨不去佛滅到今千
 萬祀只在江湖挽船處

示諸子

老去惟堪一味閑坐令諸子了生緣般柴運水皆行道挾策讀書
 那廢田兄弟躬耕真盡力鄉隣不慣枉稱賢裕人約已吾家世到
 此相承累百年

范五德孺近語遲聞君家兄
 弟善治田蓋取其不盡利耳

戊子正旦

百歲行來已七分筋骸轉覺不如人法傳心地初投種雨過花開
 不待春識路一時如有得到家諸事本非新舊陳芻狗今無用付
 與時人藉兩輪

題舊鍾馗 并引

癸丑歲予爲興德軍掌書記是歲大旱除日府中饋畫鍾馗行
雪中狀甚怪後二十六年檢篋中舊畫得之戲作此篇

濟南書記今白須歲節鍾馗舊綠襦舉手托天欣見雪破鞋踏凍
可憐渠滔滔時輩今黃壤六六年華屬老夫兒女未容翁便去銀
瓶隔夜浸屠酥

七十吟

年來霜雪上人頭俄爾相將七十秋欲去天公未遣去久留敝宅
恐難留六窗漸暗猶牽物一點微明更著油近聽老盧親下種滿

田宿草費鋤擾

久旱府中取虎頭骨投邢山潭水得雨戲作

邢山潭中黑色龍經年懶臥泥沙中嵩陽山中白額虎何年一箭
肉爲土龍雖生虎雖死天然猛氣略相似生不益人死何負虎頭
枯骨金石堅投骨潭中潭水旋龍知虎猛心已愧虎知龍懶自增
氣山前一戰風雨交父老曉起看麥苗君不見岐山死諸葛真能
奔走生仲達

生日

扶杖今年見國人懸弧早歲憶茲晨佛身三世歸依地隣寺百僧
清淨因蓮子知非慙已晚白公起定惜餘春舞雩一濯平湖水鄉

黨驚呼白髮新

是日南堂供三世佛西寺齋僧百人

將折舊屋權住西廊

平生未有三間屋今歲初成百步廊欲趁間年就新宅不辭暑也
臥斜陽脩篁已謝前人種甘井何妨眾口嘗奔走從來成底事安
居到處漫為鄉

種花二首

築室力已盡種花功尙疏山丹得春雨艷色照庭除末品何曾數
羣芳自不如今秋接千葉試取落人餘

其二

築室少閉地種花能幾畦松筠舊滿眼桃李漸成蹊無計通湖水
長思種藕泥幽懷終不愜拄杖出城西

同遲賦千葉牡丹

未換中庭三尺土漫種數莖千葉花

園工言近家糞土糞土多虫故不宜花須換黃土三尺花

乃造物不違遺老意一枝頗似洛人家名園不放尋芳客陋巷希
聞載酒車未忍畫瓶修佛供清樽酌盡試山茶

同遲賦春晚

池塘春旱欲生塵一雨能令草木新脾病不嫌櫻笋薄廩空偏喜
麥禾勻白須照水湖光淨淥酒留人鳥啣頻但恐少年嫌老醜眼

前無復一時人

春無雷

經冬無雪麥不死秋兩過多深入土人言來歲定無麥農父掉頭
笑不許清明雨足麥欣欣旋救奴婢修破困大麥過期當半熟小
麥未晚猶十分東家西舍發陳積十錢一甍猶難得向來天公不
爲人市人半是溝中瘠前望麥熟一月期老稚相勸聊忍飢誰令
伏枕作寒熱囊中無錢誰肯醫天公愛人何所吝一春雨作雷不
震雷聲一起百妖除病人起舞不須扶

聞卞氏舊有怪石藏宅中間其遺孫指一廢井云盡在是矣
井在室中床下尙未能取先作

昔人遊宦久江湖怪石嵌空駭里閭一井深藏緣底事百年不出
待潛夫棄捐泥土性仍在睥睨林亭氣漸蘇微物廢興猶有定此
生窮達謾長吁

仲夏始雷

陽氣溟濛九地來經春涉夏始聞雷麥禾此去或可望桃李向來
誰使開號令迤邐人共怪陰陽顛倒物應猜一聲震蕩雖驚耳遍
地妖氛未易回

八璽

秦人一璽十五城百二十城當八璽元日臨軒組綬新君臣相顧
無窮喜九昇崢嶸夏禹餘八璽錯落古所無古人鄙陋今人笑父
老不慣空驚呼

讀舊詩

早歲吟哦已有詩年來七十才全衰開編一笑恍如夢閉目徐思
定是誰敵手一時無復在賞音他日更難期老人不用多言語一
點空明萬法師

五月園夫獻紅菊二絕句

黃花九月傲清霜百草滿園無此香紅紫無端盜名字試尋本草

細商量

南陽白菊有奇功潭上居人多老翁葉似瞞蒿莖似棘未宜放入
酒盃中

夏至後得雨

天惟不窮人旱甚雨輒至麥乾春澤匝禾稿夏雷墜一年失二雨
廩實真不繼我窮本人窮得飽天所畀奪祿十五年有田潁川淚
躬耕力不足分穫中自愧餘功治室廬棄積露狗彘久養無用身
未識彼天意

遲往泉店殺麥

罷民不耕穫豈利有攸往古人爲我言許此亦無妄一冬免鉏犁
二麥盈壟益火老金尙伏雨過築場壤隣家助伯亞蒼耳割榛莽
朝陽得終日經歲可無恙老夫終病慵長子幸可仗劬勞慎勿厭
麩餌家共享秋田雨初足已作豐熟想歸來報好音相對開臘釀
夏夜對月

大火直南方萬物委爐炭微雲吐涼月中夜初一浣老人氣如縷
枕簟亦流汗披衣遶中庭星斗擘相粲鳴蜩思清露抱葉一長歎
栖鵲亦未安遶樹再三轉我生仰田食候雨占雲漢枵然未可期
無食終誰怨褰帷竟不寐夜氣淨如練愛之不忍觸惟恐朝來散

千葉白蓮花

蓮花生淤泥淨色比天女臨池見千葉謫墮問何故空明世無匹
銀瓶送佛所清泉養芳潔爲我三日住焉然落寶床應返梵天去

追和張公安道贈別絕句

并引

予年十八與兄子瞻東遊京師是時張公安道守成都一見以
國士相許自爾遂結忘年之契公晚事裕陵君臣之義初不淺
也旣而與用事者異議拂衣而出初守宛邱次守南都予亦以
議論不合連從公遊元豐初子瞻以詩獲罪竄居黃州予謫監
筠州酒稅公淒然不樂酌酒相命手寫一詩爲別曰可憐萍梗

飄浮客自嘆匏瓜老病身從此空齋掛塵榻不知重掃待何人
 後七年蒙恩召還復見公南都自是又八年而有升沉之歎時
 公薨已數年矣及自龍川還潁川姪過出子瞻遺墨中有公所
 贈章覽之泣下不能止乃追和之
 少年便識成都尹申歲仍為幕下賓待我江西徐孺子一土知己
 有斯人

樂城第三集卷之一終

樂城第三集卷之二

宋眉山蘇轍子由著

明東吳王執禮子敬
 顧天敘禮初全

詩七十一首

遺老齋絕句十二首

杜門本畏人門開自無客孤坐忽三年心空無一物

其二

衆音入我耳諸色過吾目聞見長歷然靈源不受觸

其三

茲心淨無垢尚愛南齋竹當暑得清風冷然若新沐

其四

老檜真百尺疎竹疑千畝紛紛霰雪中見此歲寒友

其五

栽竹種松檜十年未成陰昔人定知我為我養南林

其六

久無叩門聲剝啄問何故田中有人至昨夜盈尺雨

其七

我居近西城城枕湖一曲不到平湖上何物禁吾足

其八

北臨鳳凰臺鳳去臺亦圯萋萋脩竹林喑喑何日至

其九

昔我過嵩麓雲移見諸峯重遊未有日想像暄霾中

其十

避事已謝客養性不看書書中多感遇掩卷輒長吁

其十一

人言里中舊獨有陳太邱文若命世人惜哉憂人憂

其十二

巢由老箕山遁世聊可耳臨流愧堯舜又甚陳仲子

移花 八月十日 六日

種花南堂南堂毀花亦瘁理畦西軒西花好未忍棄慙慙拔陳草
秋雨流入地移根傳生土指日春風至花來本陳洛盈尺不為異
力求千葉枝更與一溉水人功誠已盡天巧行可致我老百不為
愛此養花智

服栗

老去日添腰脚病山翁服栗舊傳方經霜斧刃全金氣插手丹田

昔火光入口鏘鳴初未熟低頭咀嚙不容忙客來為說晨興晚三

嘿徐收白玉漿

白菊

白菊長先黃菊開年年九日泛新醅猶存古歷標花候不奈時人
信手栽得勢從教盈九晚俛眉聊復引三盃愈風明目須真物能
使神農為爾回

九日家釀未熟

平生不喜飲九日猶一酌今年失家釀節到真寂寞床頭瀉餘樽
畦菊吐微萼洗盞對妻孥肴蔬隨厚薄興來欲徑醉量盡還自却
傍人嘆身健省已知脾弱尙有姑射人自守常綽約養生要慈儉

續坡集三集卷之二
三
已老慚鬢鑠燕居漸忘我杜門奚不樂風麴日已乾濁醪可徐作
南齋獨坐

獨坐南齋久忘家似出家香烟穠作磚茶面結成花細竹才通徑
長松初有槎往還真斷絕一數歸鴉

西成

野老端相慶西成僅十分寒來多釀酒客過預留饋近事姑求飽
遠憂要浪聞一壺真有理終日得醺醺

藏菜

饜清葵芥充朝饍歲晚風霜斷菜根百日園枯未易過一家口衆
復何言多排糲益先憂盡旋設盤盂未覺煩早晚春風到南園侵
凌雪色有新萱

示諸子

諸子才不惡功名舊有言窮愁念父母心力盡田園志在要須命
身閑且養源遊魚脫淵水何處有飛翻

示諸孫

少年真力學立月閉書帷老去渾無賴心空自不知交遊誰識面
文字略存詩笑向諸孫說疎慵非汝師

十一月一日作

晝短圖書看不了夜長鼓角睡難堪老懷騷屑誰為伴心地空虛
成妄談酒少不妨隣叟共病多賴有袂僧諳

覺師識病
善用藥
積陰深厚

陽初復一點靈光勤自參

冬至日

陰陽升降自相催齒髮誰教老不回猶有髻珠常照物坐看心火
冷成灰酥煎隴坂經年在柑摘吳江半月來官冷無因得官酒老
妻微笑潑新醅

除日

年年最後飲屠酥不覺年來七十餘十二春秋新罷詎五千道德

適親書上

雪根無蠹船出風波載本虛自怪多年客箕穎每

因吾黨

臘中三雪

一臘不虛度三雪自相因暗添池上凌稍壓麥中塵餘潤想猶在
苦寒將及春慙慙欲盡酒扶養病衰人

伐雙穀

臘月二十
七日作

芳菲非不嘉當門自宜鋤矧此惡木陰人妨長者車僕夫礪壽斧
告我日方除久持不忍意柯條益扶疎植根雖云固伐去曾須與
我塗雖不寬出入自有餘開門聽還往并納賢與愚荒穢一朝盡

來者皆虛徐

上元夜適勸至西禪觀燈

三年不踏門前路今夜仍看屋裡燈
照佛有餘長自照澄心無法
便成澄追歡狂客去志返天定
孤僧喚不應更到西禪何所問
隔墻魚鼓正登登

程八信孺表弟剖符單父相遇潁川歸鄉待闕作長句贈別

我生猶及見大門弟兄中外十七人
兩家門戶甲鄉黨正如潁川
數孫陳噍噍鳴鴈略雲漢風吹散
落天一垠歸來勉強整毛羽飲
水啄粒傷離羣東西隔絕不敢恨
死生相失長悲辛蕭蕭華髮對
妻子往往老淚流衣巾仲叔已盡
季亦老雙星孤月耿獨存老夫
閉門不敢出喜君三度乘朱輪
今春剖符地尤勝不齊自古留芳
塵回車訪我念衰老挽衣把臂才
逡巡君行到官我未死杖藜便
是不速賓一尊酌我當有問此國
豈有賢於君

兄弟中惟僕與
程八程九在耳

種松

城郭人家歲寒木檜栢森森映華屋
青松介僻不入城野性特嫌
塵土辱中庭冉冉盈尺苗條幹雖短
風霜足培根不用糞壤厚插
竹預防鷄犬觸他年期汝三丈高
獨立仙翁毛髮綠老翁自分不
及見子孫見汝知遺直

二月望日雪二絕

玄冥留雪惱中春，損麥傷花病老人。
已與布裘捐衲襪，朝來酒盡乞比鄰。

老翁衰病不憂花，白口唯須麥養家。
聞道田中猶要雪，兼收凝白試山茶。

遜自淮康酒官歸觀途旬而歸送行二絕句

官期未滿許寧親，平日宦遊無此恩。
雨遍公田及私畝，學書兼得問筠孫。

乘田委吏責無多，舊學年來竟若何。
開卷新詩可人意，到官無復廢吟哦。

去年秋扇二絕句

篋中秋扇委塵埃，春晚炎風拂面來。
舊物不辭爲世用，故人相見莫心猜。

扇中秦女舊乘鸞，拂去浮塵色尙鮮。
未盡炎風早歸去，不堪秋後乞哀憐。

讀舊詩

老人詩思如枯泉，轉轉不下壅。蓋乾舊詩展卷驚，三年粲然佳句疑。昔賢老來百事不如前，藜羹稻飯嗟獨便。飽食餘暇盡日眠安。

用琢句愁心肝

堂成不施丹艧唯紙窗水屏蕭然如野人之居偶作

高棟虛窗五月涼客來掃地旋焚香白雲低繞明月觀漲海東流
清暑堂病久渴心思沉瀟夢回餘念屬瀟湘老人夫婦修行久此
處從今是道場

南齋竹三絕

幽居一室少塵緣妻子相看意自閑行到南窗修竹下恍然如見

舊溪山

舊山修竹半塵埃誰種南林待我來新筍出墻秋雨足閉門長與

護谷苔

里中佳客舊孫陳我自疎慵不見人日倦細書長掩卷心遊法界

四無隣

中秋新堂看月戲作

年年看月茅簷下今歲堂成月正圓自笑吾人強分別不應此月
倍嬋娟虛窗每怯高風度碧瓦頻驚急雨懸七十老翁渾未慣安

居始覺貴公賢

間都下諸家新建甲第壯麗頃折未有

午寢

食飽年來幸有秋倒床清夢百無憂忍飢終愧首陽客睡足何須

雲夢州冰酒黃封生不喜春芽紫筍向誰求平生尙有書魔在一
卷還堪作枕頭

九日陰雨不止病中把酒示諸子三首

早久翻成霧雨災老人腹疾強啣盞官醅菜豆適初熟籬菊黃花
終未開兒女共憐佳節過雞豚恐有故人來衰年此會真餘幾薄
酒無多不用推

其二

九日不能飲叻叻覺胃寒妻孥勸把盞萸菊正堆槃懶極久成病
年高終鮮歡道人嫌服藥心息自相安

其二

庭菊兼黃白村醪雜聖賢微吟還自喜不飲信徒然陶亮貧非病
孟嘉醒亦顛相看莫相笑與爾各當年

落葉滿長安分題

有客倦長安秋風正颯然九衢飛亂葉八水凝寒烟搖落南山見
淒涼陋巷偏名園失綠暗清渭泛紅鮮衣信催煩杵狼烽報極邊
長江苦吟處日暮想橫鞭

臘月九日雪三絕句

天公留雪待嘉平飛霰來時曉未明病士擁衾催煖酒閉門不聽

掃瑤瓊

去年家釀不須沽，秣米今年絕市無。雪沒前山薇蕨盡，誰憐無語

獨攜鉏

臘中得雪春宜麥，糞裡無糟寒惱人。未暇樽壘伴佳客，先將麩餌

許比鄰

己丑除日二首

閱遍時人身亦老，卷殘舊歷意茫然。髭鬚白盡無添處，甲子重來

又十年酒儉不容時，一醉堂成且喜夜安眠。春秋似是平生事，屋

壁深藏付後賢

橘紅安穩近誰傳

予舊有腹痛或教服橘皮煎丸經月良愈

鬢雪蕭騷久已然梅柳任

教修故事蚕絲聊與祝新年

鄉人以錫密和麩象梅枝柳葉又以肉雜物為美名之曰蚕絲

敲門

賀客辭多病，守歲諸孫聽。不眠粗有官，酤供夜飲一瓶渾濁且稱

賢

同外孫文九新春五絕句

佳人庭貼釵頭勝，園父初挑雪底芹。欲得春來怕春晚，春來會似

出山雲

壺中臘腳長憂凍，戶外春風那得知。酒熟定應花未動，舉瓢先對

柳千絲

菊葉萱芽初出土凍壅冷麩欲宜人老人脾病難隨汝洗釜磨刀
待晚春

築室恨除千本竹及春先補百株花隔年預與園夫約春雨晴時
問汝家

雪覆西山三頃麥一犁春雨祝天工麥秋幸與人同飽昔日黃門
今老農

上元前雪三絕句

臘中平地雪盈尺嵩隗山田麥尙乾不管上元燈火夜飛花處處
作春寒

閉門不問門前事燈火薰天自不知聞道朝來雪又下老人今歲
未應飢

天公似管人間事近事傳聞半是非但使麥田饒雨雪飢人得飽
未相違

上元雪

上元燈火家家辦遍地瓊瑤夜夜深衲被蒙頭真老病紗籠照佛
本無心床頭酒舊恰三斗山下麥田真百金乞我終年醉且飽端
能擁鼻作微吟

春陰

春後誰令百日陰，雨淫風橫兩相侵。天公未有惜花意，野老空存念麥心。其怪叢筠亦黃落，終憐老檜獨蕭森。過中不克陽安在，夏旱前知未易禁。
是春所在竹林皆黃落頃所未見

庭中種花

空庭一無有，初種六株花。青桐綠楊柳，相映成田家。春雨散膏油，朝曦發萌芽。造物知我心，初來盡枯槎。開花已可貴，結子成盆佳。百事盡如此，一生復何嗟。我生本窮陋，中年旅朝衙。失腳墮南海，生還夢荒遐。築室雖不多於我，則已奢。松筠伴衰老，已矣無復加。
曾郎元矩見過逾月聽其言久而不厭追感平昔爲賦詩

胃子相從得佳婿

適初於太學識元矩因有姻議

掖垣同直嘉良朋交情不意隔

生死世事休論有，廢興宿草芊綿淚。入土故琴牢落恨，填膺遠來似覺清談勝。試問傳家今幾燈。

閉門

閉門穎昌市，不識穎昌人。身閑未易過，閑久生暗塵。我念作閑計，欲與黃卷親。少年病書史，未老目先昏。掩卷默無言，閉目中自存。心光定中發，廓然四無鄰。不知心已空，不見外物紛。瞿曇昔嘗云，咄哉不肯信。一見勿復失，愈久當愈真。

林筍復生

海城貧三集卷之二
三
春寒侵竹竹樵悴父老皆云未嘗記偶然雷雨一尺深知爲南園
衆君子從地湧出長如人一一便有凌雲氣吾家老圃倦栽接但
以歲寒相嫵媚一朝紛紛看黃落嵒阮相過無醉地陰陽往復知
有數已病還瘳非卽死呼童徑語隣舍翁種竹未改當年意姚黃
左紫終誤人千葉重臺定何事

老栢

栢根可合抱栢身長百尺我年類汝老我心同汝直我貧初無居
愛汝買此宅索居懷舊友開軒得三益風中有餘勁雪後不改色
我貧不栽花遶屋多種竹全家謬聞道舉目無他物晨興輒相對
知我有慙德

蠶麥

春寒風雨淫蠶麥止半熟耕桑未嘗親有獲敢求足隣田老翁嫗
囊空庾無粟機張久乏緯食晏惟薄粥熟耕種未下屢禱雲不族
私憂止寒餓王事念鞭朴爲農良未易爲吏畏簡牘閉門差似可
忍飢有餘福

喜雨

夏田已報七分熟秋稼方憂十日乾好雨徐來不倉卒天公似欲
救艱難魁張鷹犬無遺力社近雞豚趁早寒老病隨人幸一飽爐

香無語只長歎

題東坡遺墨卷後

少年喜爲文兄弟俱有名世人不要言知我不如兄篇章散人間
墮地皆瓊英凜然自一家豈與餘人爭多難晚流落歸來分死生
晨光迫殘月回顧失長庚展卷得遺草流涕濕冠纓斯文久衰弊
涇流自爲清科斗藏壁中見者空嘆驚廢興自有時詩書付西京

洗竹

寒甚南軒竹半黃晚抽早筍雜榛荒不嫌毒手千竿盡稍放清風
八月涼短箒只堪除糞壤新萌會看伏牛羊扶持造化須人力

聽人言布麥糠

寄張芸叟

并引

張芸叟侍郎編樂府詩相示繼以書問手戰之故懇懇有見憐
衰病意作小詩謝之

老矣張芸叟親編樂府詞才高君未覺手戰我先衰點黥舊無對
吟哦今與誰十年酬唱絕歡喜得新詩

蘇城第三集卷之三

宋眉山蘇轍子由著

明東吳王執禮子敬全校
顧天敘禮初

詩七十首

兩中秋絕句二首

并敘

昔予謫居龍川己卯歲閏九月重九南方初有涼氣予置酒招
同巷黃氏老與之對酌作四絕句其卒章曰尉他城下兩重陽
白酒黃雞意自長卯飲下床虛已散老年不似少年忙明年蒙
恩北歸寓居潁川庚寅歲閏八月遇兩中秋賦兩絕句以繼前

續坡集三身卷之三
作俛仰十有二年時正苦腹疾秋思索然老病日加亦理勢然
矣

穎川城下兩中秋金氣初凝火尚流脾病家人不教飲官厨好酒
亦難求

兩逢重九尉他城蟹叟相從倒酒瓶十二年來均寂寞此心南北
兩冥冥

贈德仲

我昔見子京邑時鬚髮如漆無一絲今年相見穎昌市霜雪滿面
知爲誰故人分散隔生死孑然惟以影自隨憐子肝心如銖石昔
所謂可今不移世間取舍竟誰是惟有古佛終難欺嗟哉我自不
知子意子清淨持律師忽然微笑不言語袖中錦綉開新詩可憐
相識二十載終日對面初不知蚌含明珠不肯吐暗行沙底藏光
輝蚌爲身計良可耳旁人不悟寧非媿

閏八月二十五日菊有黃花園中粲然奪目九日不憂無菊
而憂無酒戲作

年年九日憂無菊今歲床空未有糟世事何嘗似人意天公端解
惱吾曹金龜解去瓶應滿玉液傾殘氣尙豪門外白衣還到否今
時好事恐難遭

九日三首

瓢尊空挂壁九日若爲歡白髮逃無計黃花開已闌酒慙慙對客
風起在飄冠賴有陶翁伴貧居得自寬

其二

解衣換村酒酒薄不須嫌節到勿空過盃行且強拈得閑身尙健
適意事難兼醉卧南窗日誰知酸與甜

其三

幼子淮西客雙壺思老人遠來經顛淡細酌喜清醇飲罷送憐汝
歸來早及春南齋昔未有餘似舊時貧

戲題三絕

懊惱嘉榮白髮年逢人依舊唱陽關渭城朝雨今誰聽研鼓跳踉

一破顏

謝傳淒涼已老年胡琴羌笛怨遺賢使君於此雖不俗挽斷髭鬚
誰見憐

遍地花鈿歎百年蒼顏白髮意淒然回頭笑指此郎子破賊將來
知有天

木水

老病不眠知夜寒晨興薄水滿庭前枯榆老柳變精妍細稍如苗

龕如椽風敲碎玉落紛然冰裏榭葉誰雕鐫鄰家父老呼東垣欲
沽官酒囊無錢我自強起試一觀樹稼不見今年

夜坐

少年讀書目力耗老怯燈光睡常早一陽來復夜正長城上鼓聲
寒考考老僧勸我習禪定跏趺正坐推不倒一心無著徐自靜六
塵消盡何曾掃湛然已似須施酒入爾不負瞿曇老回看塵勞但
微笑欲度羣迷先自了平生誤與道士遊妄意交梨求火棗知有
毗盧一逕通信腳直前無別巧

老史

口食陽翟粟身衣陽穀絲二物不相卽飽暖常不時老史知我窮
一歲一奔馳方暑勸脂車苦寒伺來歸嗟我垂老年未免憂寒餓
老史甚忠信但恨性重遲事我三十年閔閔不相離我門了無求
辛苦終不辭平生金石交至此或已滿老史未易得試復養其兒

臘雪次遲韵

冬儲久未辦佳雪爲人留穀豆入高廩薪蒸轉十軸紛紛了歲事
閔閔念農疇家有二頃田一頃種米莖風聲夜中變飛霰曉未休
粗畢今歲寒復免來年憂天公知人心未禱得所求傾瓢有遺酌
起和田中謳

小雪

小雪僅能消膈熱若寒偏解惱衰翁年豐誰使百物貴心淨要令
萬事空老去禪功深自覺生來滯運與人同閑中未斷生靈念清
夜焚香處處通

土牛

天地非不仁萬物自芻狗土牛適成象逡巡見屠剖田家挽雙角
歸理纜絲益生無負重力死作初耕候碎身本不辭及物稍無負
君看劉表牛豈脫曹公手

除夜二首

年年賦除夜一賦一衰殘家有二斗釀春餘半月寒雞豚不改舊
隣里自相歡元日應無客蕭然不著冠

其二

七十三年客相從尙幾年西方他日事東魯一經傳漸解平生縛
初安半夜禪紛紛爭奪際何意此心全

遺老齋南一栢雙榦昔歲坐堂上僅賸也今出屋已尺餘偶
賦

翠栢擢雙榦冉冉出屋危栢長雖云喜我老亦可知苦寒不改色
烈風終自持門閉斷來客相對不相欺

正月十六日

上元已過欲收燈城郭遊人一倍增陌上紅塵霏似霧雲間明月冷如水誰言世上驅馳客老作庵中寂定僧漏水半消燈火冷長空無滓色澄澄

七十三歲作

一生有志恨無才久爾蕭蕭白髮催力學當年真自信初心到此未應回舊人化去渾無幾新障重生撥不開七十三年還住否獲麟後事轉難裁

春旱彌月郡人取水邢山二月五日水入城而雨

春旱時聞孽火然邢山龍老不安眠麥生三寸未覆壠雨過一犁初及泉深愧貧民飢欲死可憐肉食坐稱賢南齋遺老知九幸湯餅黃齏又一年

龍川道士

廖有象

昔我遷龍川不見平生人傾囊買破屋風雨庇病身頽然一道士野鶴墮雞羣飛鳴閭巷中稍與季子親刺口問生事褰裳觀運斤俛仰忽三年愈久意愈真送我出重嶺長揖清江濱方營玉皇宮棟宇期一新成功十年後脫身走中原見公心自足徒步非我勤我歸客箕顙晝日長掩關僕夫忽告我門有萬里賓問其所從來

笑指南天雲心知故人到驚喜不食言我老益不堪惟有二頃田
年年種麥禾僅能免飢寒君來亦何爲助我耕且耘嗟古或有是
今世非所聞

重贈

出家無復家視身等雲浮東西隨風行忽然遍九州君居龍川城
築室星一周屋瓦如蜚飛象設具冕旒弟子五六人門徒散林邱
本爲百年計自可一世留胡爲不復顧脫去如敝裘萬里一藤杖
來從故人遊故人病老翁輕重恐未酬疑君了心法萬物皆浮漚
去彼非有嫌來此亦無求是心摩尼珠不受篋笥收故人感君意
一言還信不遠行不爲此浪走非良謀

食櫻筍二首

一旱經春草木焦朱櫻結子獨盈條盤中宛轉明珠滑舌上逡巡
絳雪消仰囁佳人露猶濕偷銜啼鳥語尤嬌南方荔子爭先後羞
見炎風六月燒

林竹抽萌不忍挑誰家盈束伴晨樵籜龍似欲號無罪食客安知
惜後凋不願鹽梅調鼎味姑從律呂應簫韶林間老死雖無用一
試冬深雪到腰

西軒畫枯木怪石

西軒素屏開白雲婆娑老桂依霜輪顧兔出走蟾蜍奔河漢卷海
機石蹲牽牛自載倚桂根清風颯然吹四鄰東坡妙思傳子孫作
詩髣髴追前人筆墨墮地稱奇珍開藏不聽落泥塵老人讀書眼
病昏一看落筆生精神

悟老住慧林

能公住 南正觀呼不起忠公客中禁朝恩不爲累道人無淨穢
所遇忘嗔喜悟公清淨人心厭紛華地慧林虎法席 有遲遲意
投身淤泥中佛法何處是引身山林間過患差無幾力小難自欺
心安似無愧悟世常失人違心輒喪已徐行勿與較乘流得坎止
君看淨因措志以直自遂殺身竟何益犯難豈爲智去仕本山天
母求亦無避相期明且哲大雅亦如此

蠶麥

春旱麥半熟蠶收僅十分不憂無餅餌已幸有襦裾造化真憐汝
耕桑不謾勤經過話關陝貧病不堪聞

北堂

吾廬雖不華粗有南北堂通廊開十窗爽氣來四方風長日氣遠
六月有餘涼兒女避不居留此奉爺娘爺娘髮如絲不耐寒暑傷
單衣焦葛輕軟飯菘芥香無客恣卧起有客羅壺觴今年得風痺

蘇坡集三集卷之三
六
塵膏沃椒湯念終捨此去故山松栢蒼此地亦何爲歲時但烝嘗

秋旅

雨晴秋稼如雲屯豆沒雞尾禾没人老農歡笑語行路十年儉薄
無今晨無風無雨更一月藜羹黍飯供四鄰天公似許百姓足人
事未可一二論窮邊逃卒到處滿燒場入室才逡巡縣符星火雜
鞭箠解衣乞與猶怒嗔我願人心似天意愛惜老弱憐孤貧古來
堯舜知有否詩書到此皆空文

七夕

火流知節換秋到喜身安林鵲真安往河橋晚未完得閑心不厭

求巧老應難送酒誰知我瓢樽昨暮乾

食雞頭

風開芡背鉄爲鬚斧斫沙磨旋付厨細嚼兼收上池水徐嚙還成
滄海珠佳客滿堂須一斗閑居賴我近平湖多年不到會靈沼氣
味宛然初不殊

秋雨

禾田已熟畏愁霖積潦欲乾泥尙深一雨一涼秋向晚似安似病
老相侵人間有盡皆歸物世外無生賴有心要覓塵埃不到處一
燈相照夜愔愔

補種牡丹二絕

野草凡花著地生洛陽千葉種難成
姚黃性似天人潔糞壤埋根氣不平

換土移根花性安猶嫌入伏午陰煩
清泉翠幄非難辨絕色濃香別眼看

曹郎子文赴山陽令

囊空口眾不堪閑却喜平生得細論
鶴髮進封償舊德彩衣聽訟勉平反
楚風剽疾觀新政浙水蕭條詠舊恩
記取老人臨別語茶瓢霜後豆相存

九日三首

九日真佳節年年長賦詩深慙鶴髮老
每與菊在期帽落無人拾酒狂聊自持
豐年餘社壺天意念衰羸

其二

我飲不爲酒黃花競此時茱萸謾辟惡
麴蘖助和脾淺酌何勞訴獨醒徒爾爲
來年我猶健相對亦如斯

其三

河朔今將到山陽近欲行老懷驚聚散
一酌慰平生陋巷連疇久長淮照眼明
到官紛訟牒應憶此時情

遲歸自河朔節前當至曹郎將赴山陽節后當行

早睡

老人如嬰兒起晏睡常早
龕氈薄絮被孤枕自媚好
倒床作龜息
逡巡輒復覺隔門燈火明
髮髯聞語笑杯棬相勸酬
往往見譏誚
披衣坐跣趺衰老當自了
室空窗亦虛半夜明月到老
盧下種法
從古無此妙根生花輒開
得者自不少要須海底行
更問藥山老

廳前柏

穉柏如嬰兒冉冉三尺長
移根出澗石植榦對華堂
重露恣膏沐
清風時抑揚我老不耐寒
憐汝堪風霜朝夕望爾長
尺寸常度暑
知非老人件可入諸孫行
想見十年後簷前蔚蒼蒼
人來顧訪

誦我此詩章

十月二十九日雪四首

床頭唧唧精鳴夜半蕭蕭雪打窗
擁褐旋驚花著樹潑醅初喜

酒盈缸隣翁晨乞米三斗釣戶暮留魚
一雙自笑有無今粗足遙

憐逐客過重江

時逐客有過湖嶺者

龕燈照室久妨睡雪氣侵人不隔窗
枕上詩成那起草槽頭酒滴

暗鳴缸遠來狂客應回去高臥幽人
未有雙猶憶新灘泊船處堆

蓬積玉撼長江

幽居漫爾存三徑燕坐何妨應六窗
老憶舊書時展卷病封藥酒

旋開釭小園搖落黃花盡古檜飛鳴白鶴雙珍重老盧畱種子養生不復問王江

鶴子一飛超漲海蜂兒終日透晴窗心空莫著書千卷客到長畱酒半釭性命早知元有分文章誰信舊無雙何年結束尋歸路還看墓頤下飲江

冬日卽事

寒日初加一線長臘醅添浸隔羅光新年只願多新酒舊疾微令變舊方自昔杯棬元窄小得閑筋力尙康強買田種秫貧無計自有人家爲插秧

近來腹疾頽退足疾尙餘一二醫婁生言舊所用藥須少增損

畫學董生畫山水屏風

承平百事足鴻都無不有策牘試篆隸丹青寫飛走紛然四方集狐兔萃林藪何人知有益長嘯呼鷹狗奔逃走城邑驚顧念糊口素屏開白雲稱我茅簷陋濡毫願揮酒峯巒映巖竇巨石連地軸飛布瀉天漏縈山一徑通過水微橋構山家烟火然遠寺晨鐘叩僧從何方來行速午齋後有客呼渡船隔水惟病叟聽然法一笑此處定真否人生初偶然與此誰夭壽厄窮妄自憐一醉輒日富客至亦茫然邀我沽斗酒

冬至日作

義和飛轡留不住小兒逢節喜欲舞人言老翁似小兒烝豚釀酒
多爲具穎川本自非吾鄉隣里十年成舊故誰令閉戶謝往還壽
酒獨向兒孫舉飲罷踟躕雙目寂然自有安心處心安自謂無
老少不知鬚髮已如素似聞錢重薪炭輕今年九九不難數

冬至雪二首

一氣潛萌九地中雪花微落四無風初陽便有回天力宿瘴徐看
卷地空家釀再投猶恨薄官酤多取定無功時人淺陋終無益徑
就天公借一豐

佳節蕭條陋巷中雪穿窗戶有顏風出迎過客知非病歸對先師
喜屢空烝醢乃瓢終寡味石薪烘灶信奇功頗嫌半夜欺毛褐却
喜年來麥定豐

讀樂天集戲作五絕

樂天夢得老相從洛下詩流得二雄自笑索居朋友絕偶然得句
與誰同

樂天得法老凝師後院猶存楊柳枝春盡絮飛餘一念我今無累
日無思

樂天投老刺杭蘇溪石胎禽載舳艫我昔不爲二千石四方異物
固應無

樂天引洛注池塘畫舫飛橋映綠楊
漢水隔城來不得不辭策杖
看湖光

樂天種竹自成園我亦墻陰數百竿
不共伊家鬪多少也能不畏
雪霜寒

記病

我病在脾胃一病四十年微傷輒暴下
傾注如流泉去年醫告我
此病猶可取薑豆附三物相和丸服之
不旬浹病去如醫言醫言

藥有毒病已當速捐我意藥有功服久功則全
侵尋作風痺兩足
幾蹒跚徐悟藥過量醫初固云然舊病則已除
奈此新病纏醫言
無甚憂前藥姑捨旃藥毒久自消真氣從此完
鄙夫不信醫私智
每自賢咄哉已往咎終身此韋弦

除日二首

屠蘇未後不辭飲七十四人今自希筋力
明年應更減誠心憂世
久知非脾寒服藥近方驗風痺經冬勢
漸微得罪明時歸已晚此
生此病任人譏

七十四年明日是三千里外未歸人
酒筍泉湧如迎節詩句雲生

喜見春賀客不來知我病鄰家竊語笑
吾真時人莫作樂天看燕
坐端能畢此身
樂天居洛陽日正與子年相若非齋居道場輒搗
酒尋花遊賞泉石畧無暇日子性拙且懶杜門養

病已僅十年樂
天未必能爾也

上元

上元車馬正喧喧老病無聊長掩門不著繁燈眩雙目獨邀明月
上前軒脚跌默坐聞三鼓寂寞誰來共一樽已覺城中塵土臭急
將清雨洗乾坤

壬辰生日兒姪諸孫有壽所言皆過記胸中所懷亦自作
生日今朝是匆匆又一年讀書真已矣閉目但茫然下種言非妄
開花果定圓驅羊舊有法視後直須鞭

白鬚

少年不辨求良藥老病無疑生白鬚下種已遲空悵望無心猶幸
省工夫虛明對面誰知我寵辱當前莫問渠自頃閉門今十載此
生畢竟得如愚

林筍

竹林遭凍曾枯死春筍連年再發生天與歲寒終倔強澤分淇澳
轉敷榮狂鞭已逐草侵徑疎影長隨月到楹嵇阮欲來從我飲開
門一笑亦逢迎

西軒種山丹

淮陽千葉花到此三百里城中衆名園裁接比桃李吾廬適新成

西有數畦地乘秋種山丹得雨生可喜山丹非佳花老圃有深意
宿根已得土絕品皆可寄明年春陽升盈尺爛如綺居然盜天功
信矣斯人智根苗相因依非真亦非偽客來但一笑勿問所從致

遊西湖

閉門不出十年久湖上重遊一夢回行過閭閻爭問訊忽逢魚鳥
亦驚猜可憐舉目非吾黨誰與開尊共一杯歸去無言掩屏臥古
人時向夢中來

泛溪水

早歲南遷恨舳艫歸來平地憶江湖半篙春水花千片八尺輕船

酒一壺徐轉城陰平野濶稍通竹徑小亭孤前朝宰相終難得父

老咨嗟今亦無

自溪溝泛舟至曲水園本文潞公舊物潞公以遺賈魏公今爲賈氏園矣

風痺二作

年老百病生風痺已三作主家長患龔說法仍害脚十年學趺坐
從此罷雀躍閉目時自觀寸田飽耕鑿下種本無種服藥亦非藥
田熟根自生病去如花落吾生默已定有數誰能却數盡吾則行
未應墮冥漠

新作南門

于公決獄多陰功自知有子當三公高作里門車馬通定國精明

有父風飲酒一石耳目聰漢家宰相侯封左右中興始且終我家

讀書自我翁恥言法律羞兵戎中年出入黃門中智巧不足稱愚

忠雖云寡過亦無功不忮不求心粗空舉世知我惟天工恃此知

不累兒童作門不痺亦不隆陋巷正與顏生同勢家笑唾儻見容

春早

舊俸存無幾生齒日益多敝廬雖粗完空廩無麥禾首種二頃田

奈此春早何誰能持隻雞一酌邢山阿飢寒誰相念幸龍未見訶

去年投虎頭叩門用干戈邂逅一尺雨豈復陰陽和幽明初不隔

誠意豈在多惻然上通天矧此一盤渦雲興雨隨至父老行且歌

感秋扇

團扇經秋似敗荷丹青髣髴舊松蘿一時用舍非吾事舉世炎涼

奈爾何漢代誰令收汲黯趙人猶欲用廉頗心知懷袖非安處

見秋風愧恨多

樂城第三集卷之四

宋眉山蘇轍子由著

明東吳王執禮子敬
顧天敘禮初全校

詩十二首

喜姪邁還家二首

一別匆匆歲五除還家怪我白鬚鬚懷中初見孫三世巷口新成

宅一區姪房添一男孫予亦林下酒尊還漫設床頭易傳近看無

老年遊宦真安往南北相望結草廬

次前韻

心空煩惱不須除白盡年來罷鑷鬚隨俗治生終落落苦心憂世
漫區區居連里巷知安否食仰田園問有無我已閉門還往絕待
乘明月過君廬

喜雨

五月十九日
夏至

一旱經春夏已半好雨通宵曉未收氣爽暫令多病喜來遲未解
老農憂力耕僅足公家取遺秉休違寡婦求時向林間數新竹籜
龍騰上欲迎秋

雨過

東南流注已鳴澗西北非爲僅劍塵人意共懷艱食病天公那有
不仁人雲移已分貧無福粵應方知社有神田里相望無一舍終
年苦樂會須勻

溽暑

東風吹鼎方然薪遊魚出沒一世人隨波上下猶欣欣不識河漢
清涼津十年我已不出門可憐尙寄生死濱老知下種功力新開
花結子當有辰寒暑一過聊嘖呻至此有道非有神

外孫文九伏中入村懸麥

春田不雨憂無麥入困得半猶足食伏中一懸不可緩旱田蒼耳
猶難得人言春旱夏當潦入伏未保天日好老農經事言不虛防

風防雨如防盜外孫讀書舊有功
五言七字傳祖風旋投詩筆到
田舍知我老來饑且慵秋田正急
車難起汗滴肩頰愧鄰里磨聲
細轉雪花飛舉家百口磨牙齒食
前方丈我所無烝麩十字或有
諸孫歸何用慰勤苦烹雞亦有烝
胡盧唐相盧懷慎既老家居諸公嘗往問疾公設食待客勅庖夫淨去毛勿撻折其項客喜爲嘗食烝鷺鴨也食至乃烝胡盧耳諸公皆不飽公食之殊美

大雨後詠南軒竹二絕句

苦寒壞我千竿綠好雨還催衆筍長
痛飲雖無嵇阮客瓢尊一試
午陰涼

葉開翡翠一
通日節竦琅玕不怕風稍放西邊
深二丈端如幽谷

茂杯中

竹西有二丈隙地筍猶未到

秋後卽事

苦熱真疑不復涼
火流漸見迫西方清風一夜吹茅屋
竹簟今朝避石床
露濕中庭菊舍葢水浮西浦稻生芒
秋成得飽家家事草笑農夫喜欲狂

送遲赴登封丞

昔我過嵩陽秋高日重九
晨邀同行客共舉登高酒
藤屨生胼胝一覽河山富
封壇土消盡中夜捫星斗
下山雙足廢欲上知難又
回首烟雲中隱約見巖岫
未老約來遊何意七十後
吾兒性靜默

丞邑山路口秋暑山尚煩冬雪山方瘦春山利遊觀安輿卽迎父

省事

早歲讀書無甚解晚年省事有奇功自許平生初不錯人言畢竟
兩皆空空中有實何人見實際心知與佛同煩惱消除病亦去閉
門便了此生中

廣福僧智昕西歸

老人寄東巖蕭然四無隣八尺清冷泉中有白髮人婆婆弄明月
松間夜相賓平生指庾壬終老投此身築室潁川市西望長悲辛
故山比邛僧蠶足超峩岷歸塗三千里秋風入衣巾北崦百步外
我夢一室新速營三間堂永奉兩足尊我歸要有時久遠與子親
悟老非凡僧瓦礫化金銀歸來味玄言見日當自陳



70025417

